

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-15297/20
Sarajevo, 04.11.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu - Izvođenje radova na regulaciji vodotoka Lepenica

I

Prihvata se preporuka Komisije za javnu nabavku radova i ugovor u predmetu - „Izvođenje radova na regulaciji vodotoka Lepenica“, broj obavještenja 422-1-3-223-3-131/20, objavljeno na Portalu javnih nabavki dana 09.9.2020.godine i u „Službenom glasniku BiH“– Oglasnik javne nabavke broj 56/20, dodjeljuje se ponuđaču „Harysco“ d.o.o. Sarajevo, sa ponuđenom cijenom za ugovor u iznosu od 350.000,00 KM bez PDV-a, odnosno 409.500,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-15297/20 od 07.9.2020. godine Općina Novi Grad Sarajevo pokrenula je otvoreni postupak javne nabavke „Izvođenje radova na regulaciji vodotoka Lepenica“, broj obavještenja 422-1-3-223-3-131/20, objavljeno na Portalu javnih nabavki dana 09.9.2020.godine i u „Službenom glasniku BiH“– Oglasnik javne nabavke broj 56/20 od 11.9.2020. godine. Zapisnikom o otvaranju ponuda od 02.10.2020. godine Komisija je konstatovala da je u predviđenom roku, u propisno upakovanim kovertama, pristiglo deset (10) ponuda ponuđača:

1. „Grakop“ d.o.o. Kiseljak,
2. „Džekos“ d.o.o. Sarajevo,
3. „Orman“ d.o.o. Kiseljak,
4. „Mibral“ d.o.o. Sarajevo,
5. „Sela“ d.o.o. Sarajevo,
6. „Harysco“ d.o.o. Sarajevo,
7. „Špic beton“ d.o.o. Zenica,
8. konzorcij „Manjo“ d.o.o. Sarajevo i „Bosman“ d.o.o. Sarajevo,
9. konzorcij „Tuzlić“ d.o.o. Breza i „Tehnometal“ d.o.o. Vlasenica,
10. „MGBH“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo deset ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Sela“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.2. (2) tehnička i profesionalna sposobnost, naime tačkom 3.4.1. (1) tenderske dokumentacije traženo je da je ponuđač u protekle tri kalendarske godine uspješno izvršio više ugovora koji za predmet ugovora ima radove koji su u vezi sa predmetom nabavke zbirne vrijednosti najmanje 275.000,00 KM sa PDV-om, a što se dokazuje listom izvršenih ugovora i potvrđama za ugovore koji su u vezi sa predmetom nabavke. Ponuđač je na stranicama ponude od 27 do 32 dostavio potvrde o uspješnoj realizaciji posla za izvođenje radova koji se odnose na izvođenje građevinskih radova, izvođenje radova na izgradnji separatne kanalizacione mreže, izvođenje radova na objektima komunalne infrastrukture, radova na rekonstrukciji, održavanju i popravci ulica, lokalnih puteva, trgova i mostova na osnovu kojih Komisija nije mogla utvrditi da su se predmetni radovi odnosili i na regulaciju vodotoka.

Iz naprijed navedenog razloga utvrđeno je da ponuđač „Sela“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.2. (1) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da grupa ponuđača „Tuzlić“ d.o.o. Breza i „Tehnometal“ d.o.o. Vlasenica ne ispunjava kvalifikacione uslove tražene u tenderskoj dokumentaciji iz tačke 3.4.2. (2) tehnička i profesionalna sposobnost, odnosno dokaz od PIO ili MIO ili Porezne uprave da ponuđač u stalnom radnom odnosu ima zaposlenog jednog diplomiranog inženjera građevinske ili arhitektonske struke (original ili ovjerena kopija sa datumom izdavanja ne starijim od 30 dana računajući od dana utvrđenog kao krajnji rok za predaju ponuda). Ponuđač je dostavio Listu osiguranih lica koju je izdao Kantonalni porezni ured Zenica – Ispostava Breza broj 13-4/7-12-5-2449-1/20 od 21.08.2020.godine, dakle stariju od 30 dana računajući od dana utvrđenog kao krajnji rok za predaju ponuda, a kao krajnji rok za predaju ponuda je određen 02.10.2020.godine. Nadalje ponuđač je dostavio ugovor o konzorciju, isti je potpisan ali bez pečata člana konzorcija „Tuzlić“ d.o.o. Breza.

Iz naprijed navedenog razloga utvrđeno je da konzorcij „Tuzlić“ d.o.o. Breza i „Tehnometal“ d.o.o. Vlasenica ne ispunjava uslove tražene u tenderskoj dokumentaciji iz tačke 3.4.2. (2) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „MGBH“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.2. (1) tehnička i profesionalna sposobnost odnosno tehnička i profesionalna sposobnost. Naime, tačkom 3.4.1. (1) tenderske dokumentacije traženo je da je ponuđač u protekle tri kalendarske godine uspješno izvršio više ugovora koji za predmet ugovora ima radove koji su u vezi sa predmetom nabavke zbirne vrijednosti najmanje 275.000,00 KM sa PDV-om, a što se dokazuje listom izvršenih ugovora i potvrđama za ugovore koji su u vezi sa predmetom nabavke. Ponuđač je na strani 34. ponude dostavio potvrdu Općine Vogošća broj 07-19-4903/20 od 21.9.2020. godine o uspješnoj realizaciji posla za izvođenje radova na uređenju obala Jošaničke rijeke, a vrijednost ugovora je 39.259,63 sa PDV-om. Nadalje na strani 35. ponude ponuđač je dostavio još jednu potvrdu, takođe izdata od Općine Vogošća broj 07-19-4902/20 od 21.09.2020.godine za radove na uređenju obale Jošanička rijeka II faza, a vrijednost ugovora je 195.910,26 KM sa PDV-om. Obzirom da je tačkom 3.4.1. (2) tenderske dokumentacije traženo da ponuđač dostavi potvrde o ispunjenim poslovima zbirne vrijednosti najmanje 275.000,00 KM sa PDV-om, Komisija je konstatovala da ponuđač ne ispunjava traženi uslov, obzirom da je zbirna vrijednost dostavljenih potvrda niža od 270.000,00 KM.

Iz naprijed navedenog razloga utvrđeno je da ponuđač „MGBH“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.2. (2) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Špic beton“ d.o.o. Zenica sa ponuđenom cijenom za ugovor u iznosu od 469.471,17 KM bez PDV-a, 2. „Harysco“ d.o.o. Sarajevo sa ponuđenom cijenom za ugovor u iznosu od 469.938,84 KM bez PDV-a, 3. „Mibral“ d.o.o. Sarajevo sa ponuđenom cijenom za ugovor u iznosu od 469.983,78 KM bez PDV-a, 4. „Grakop“ d.o.o. Kiseljak sa ponuđenom cijenom za ugovor u iznosu od 472.178,28 KM bez PDV-a, 5. „Orman“ d.o.o. Kiseljak sa ponuđenom cijenom za ugovor u iznosu od 479.949,96 KM bez PDV-a, 6. Konzorcij: „Manjo“ d.o.o. Sarajevo i

„Bosman“ d.o.o. Sarajevo sa ponuđenom cijenom za ugovor u iznosu od 508.929,54 KM bez PDV-a i 7. „Džekos“ d.o.o. Sarajevo sa ponuđenom cijenom za ugovor u iznosu od 509.053,23 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 27.10.2020. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-223/20 od 27.10.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Harysco“ d.o.o. Sarajevo sa ponuđenom cijenom za ugovor u iznosu od 350.000,00 KM bez PDV-a,
2. konzorcij: „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za ugovor u iznosu od 359.530,00 KM bez PDV-a,
3. „Špic Beton“ d.o.o. Zenica sa ponuđenom cijenom za ugovor u iznosu od 400.00,00 KM bez PDV-a,
4. „Džekos“ d.o.o. Sarajevo sa ponuđenom cijenom za ugovor u iznosu od 407.400,00 KM bez PDV-a,
5. „Mibral“ d.o.o. Sarajevo sa ponuđenom cijenom za ugovor u iznosu od 452.000,00 KM bez PDV-a,
6. „Grakop“ d.o.o. Kiseljak sa ponuđenom cijenom za ugovor u iznosu od 472.178,28 KM bez PDV-a,
7. „Orman“ d.o.o. Kiseljak sa ponuđenom cijenom za ugovor u iznosu od 479.949,96 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za ugovor ponuđača „Harysco“ d.o.o. Sarajevo iznosi 350.000,00 KM bez PDV-a, odnosno 409.500,00 KM sa PDV-om, o čemu je ponuđač dostavio saglasnost broj 01-242/20 dana 02.11.2020. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Harysco“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

